



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Epiphania Domini. 7.

urn:nbn:de:hbz:466:1-9521

De Epiphania Domini. Cap. VII.

VIglia Epiphaniæ habet officium Semiduplex, quod nuper expressum est in Breuiario, sicut ex exclusio Prece ad Primam erat sufficiens indicium ritus Semiduplicis: si occurrat in hac Vigilia Festum Duplex, sit de Vigilia commemoratio tantum, cum 9. lect. de Homilia Vigiliæ: quia duplici officio occurrenti eodem die cedit Semiduplex. De Dupli translatio non sit in ea, quia est officium 9. lectionum, cui etiam Dominicæ cedit, si occurrit in ea Festum Semiduplex, transfertur hoc post Octauam Epiphaniæ, eadem de causa; & quia est longè superior, quam Feria 6. post Oct. Ascensionis; quippe que habet Euangelium proprium, æquiparatur in multis Vigiliæ Natiu. Domini, ut in Rubr. de Vigilijs num. 2. & 5. quod si fuit concessum Hispanis à Greg. XIII. posse in hac Vigilia fieri officium de S. Thom. Cantuar. ob Festum translationis Sancti Iacobii, est singulare priuilegium, non lex.

2 Antiphona; *Ante luciferum genitus*; habentur apud Amalar. de ord. Antiph. cap. 23. Quarta Antiphona: *Maria, & flumina, &c.* non visa est aliquibus ad rem presentem: sed meminerit duorum miraculorum in aquis Baptismi Christi, & in Cana ad nuptias de quibus in Hymno, & in Antiphona ad, *Magnificat*.

3 Maturinum incipitur ex abrupto ab Antiphona, & Psalmo; quia, visa stella, statim venerunt Magi, mutonuncio, non loquente. Durand. lib. 6. cap. 16. omittitur etiam Inuitatorium, ad derestandam fraudolentam Herodis inuitationem ad Christum adorandum, Alcuin. in Epiph. tū etiam, quia Psalmus, *Venite*, dicendus est in tertio Nocturno: Hymnus etiam non cantatur primo die, quia perfectorum est cantare Hymnos: conuersio verò Gentium in solis Magis perfecta non erat. Durand. ibidem.

4 Infra Octauam verò dicitur Inuitatorium nomine Magorum alias inuitantium ad adorandum Christum, Durand. ibidem.

5 Psalimi apud Alcuinum habentur, excepto, quod Psalmus. *Deus noster refugium, & virtus*; nunc cantatur in primo Nocturno secundum ordinem Psalterij, qui alias cantabatur in tertio. Vnde & hodie retinet Antiphonam cum, *Alleluia*, qui est ritus tertij Nocturni, ut diximus in Natiuitate Domini, sup. cap. 5. num. 3. & usque ad tempora Io. Beleth perseverauit; sed præpostere, ait Alcuinus. restitutus est igitur Nocturno primo secundum ritum Romanum, teste Durando loco citato. Item Psalmus, *Venite*, qui ex Gemma lib. 3. c. 20. cantabatur in fine secundi Nocturni, nunc in principio tertij dicitur, docente Durando; & cum peculiari Antiphona repetitione, ad indicandum, quod in tempore gratiae per tertium Nocturnum significato, inuitata est Ecclesia de Gentibus per Magos, & stellam; repetita ideo Antiphona sepius, *Venite adoremus*, ut confluant vndeque omnes. Cantatur autem hic Psalmus vel à duabus Cantoribus, vel melius à quatuor, duabus hinc inde alternatim cantantibus versus, & Choro semper Antiphona repetente.

6 Infra Octauam pro Psalm. *Venite*, alius substituitur, ne idem Psalmus bis dicatur; in Inuitatorio, & in tertio Nocturno. Psalmi desumuntur è Feris 2. 3. 4. 5. 6. sed plures è Feria sexta, fortasse, quia in hac eadem Feria Magi adorare Christum, ut innotuimus Tomo 1. part. 4. tit. 3. num. 15.

7 Hymnus ad Laudes à Pio V. mutatus; erat enim antiquus ab Hymno Nativitatis Domini desumptus; *Enixa puerpera Regem, &c.*

8 De Dominicâ infra Octauam Epiphaniæ, quando Epiphania occurrit in Dominicâ, sit in Sabbato præcedenti die Octauam. Sed queritur, cur in ipsam die Octauam, quae occurrit in Dominicâ, non sit de Octaua Epiphaniæ cum commemoratione Dominicæ primæ post Epiphaniam? Fieret enim (ut in duplicibus per annum occurrentibus in Dominicâ) utrisque satis. Coniicio ego hanc esse causam; scilicet, ne ordine peruersetur vita

vitæ Christi, quæ ab Ecclesia repræsentatur in officio diuino per totum annum; Christus legatur trigeminum annū agens, antequam repræsentetur duodennis, ætatis, inquam, annorum duodecim. nam, si in die Octaua, qua habet Euangelium de Baptismo Christi, fieret commemoratio de Dominica prima post Epiphaniam, quæ habet Euangelium de Christo duodenne, inter Doctores Dei causam agente; tam in officio, quam in Milla legeretur prius Euangelium de die Octaua, quam de Dominica; quod esset inconveniens, & ordo peruersus. Fiat ergo officium de Dominica in Sabbato, in qua Christus est duodennis; deinde sequenti die fiat de die Octaua, in qua est tricenarius; & ordo seruabitur historicus vita Christi: qui ritus habetur in Breuiario M.S. anni 1300. Perusinæ Sacristerie.

9 Adhuc queritur, & casus accidit, si Patronus loci incidat in Sabbathum in quo faciendum est officium de prædicta Dominica prima; An officium Dominicæ anticipandum erit Feria sexta, quod aliqui scripsere? Ego respondi, non esse anticipandum; quia in Sabbato sufficit, fieri commemorationem de Dominica prima cum Homilia pro nona Lectione; argumento à simili, quod, quando Dominica 23. post Pentecost. non habet propriam sedem in Dominicæ, neque Feriam in tota precedenti Hebdomada, in qua posuit poni offic. Domin. 23. eo casu in officio nouem Lectionum in Sabbatho, fit commemoratio de Dominicæ 23. cum nona Lectione, ut expresse habet Rubricæ de Dominicis num. 4. in fine. ergo & eodem modo satis est, si fiat hoc loco. In secundis autem Vesp. prædicti Patroni concurrentibus cum die Octaua Epiphaniæ, fit commemoratio tantum de die Octaua, ut in Rubr. de Concurr. Offic. num. 2. quæ vero dicimus de Patrone, eadem dicio de Titulari Ecclesie, vel eiusdem Dedicatione, ex Rubr. 11. n. 7.

10 Lectiones Epistolæ primæ ad Corinthios, ex decreto Gelasii, ponuntur in Dominicæ ipsa prima post Epiph. non in officio Dominicæ, si fiat in Sabbatho; quia

initia librorum Scripturæ, quoad eius fieri potest, magè congruant diei Dominicæ, quæ est initium Hebdomadæ; & hoc in vsu fuisse, ut à die Nativitatis legatur Apostolus, tradit Ruper. lib. 4. de diuin. offic. cap. 6.

11 Dies Octaua Epiphaniæ de Baptismo Christi est, Amalat. lib. 4. cap. 34. & antiquum officium de Baptismo erat, nunc autem Euangelium tantum habetur. Semiduplex erat officium in Breuiari. edito Venetijs Anno 1521. nunc est Duplex.

12 Quando Epiphania Domini occurrit in Feria tertia, accedit in Sabbatho ad Vesperas, quod pro commemooratione Epiphaniæ dicitur Antiphona, *Omnis de Saba venient*: Et in hoc casu mutatur Versus, ne eadem Antiphona cum Versu sit idem. Dicitur autem Versus de Laudibus Epiphaniæ, *Adorate Deum*, &c. si occurrit Feria 2. in primis Vesperis diei Octauæ, pro commemooratione Dominicæ dicitur Antiphona: *Fili*, &c. cum Vers. *Omnis de Saba*.

De Dominicis post Octauam Epiphaniæ. Cap. VIII.

1 **D**ominicæ post Epiphaniæ usque ad Septuagesimam, vel ad summum sex, vel ad minimum vna, esse possunt; & ideo positum est officium sex Dominicarum. Quò propior est, vel remotior Septuagesima, quæ à Pascatis mobilitate pendet, ed plures, vel pauciores sunt Dominicæ in ita hoc tempus. quæ supersunt, transcursum autem post 23. Domin. post Pentecostem. qua de re nos egimus supra Sect. 3. cap. 5. pag. 24.

2 De Dominicæ secunda post Epiphaniæ semper fit officium ante Septuagesimam, salem in Sabbatho precedente eamdem Septuagesimam; vel in die prima post Octauam Epiphaniæ, Microl. cap. 41. translato, si opus est, Festo Semiduplici; & hoc duplice de causa: Primo, ut ordine historico seruato de Vita Christi, legatur post eiusdem Baptismi, primum miraculum in Cana Galileæ factum, antequam quidquam aliud in sequen-